



Avatangiisinut silap allanngoriartorneranullu ataatsimoorussamik iliuseqarnissaq suleqatigiinnerulernissarlu anguniarlugit Savalimmiut Naalakkersuisuisa, Islandip Naalakkersuisuisa aamma Kalaallit Nunaanni Naalakkersuisut Nunat Avannarliit Killiit Siunnersuisoqatigiiffiata kaammattorpai. Nalinginnaasumik ukiumut ikinnerpaamik ataasiarluni avatangiisinut silap allanngoriartorneranullu nunani naalakkersuisuisa ataatsimeeqatigiittarnissaat Nunat Avannarliit Killiit Siunnersuisoqatigiiffiata kammattuutigaa. Ukiumoortumik ataatsimiinneerit siunertaraat nunat avannarliit killiit suleqatigiinnerisa siuarsarneqarnissat aamma avatangiisinut silap allanngorneranullu sammivilinnik oqaloqatigiittarnissaq, isumassarsianillu paarlaasseqatigiittarnissaq, ilisimasanik assigisaanillu paarlaasseqatigiittarnissaq.

(Aallartitat Siulittaasuat Pipaluk Lyngø-Rasmussen)

(Siullermeerneqarnera)

Inuit piliaannik silaannaap allanngoriartornera maannakkut malunnarsereerpoq, ukiullu ingerlanerini ersarissigaluttuinnartussaalluni. Taamaattumik iluaqutaanngilaq, qiviimiataaginnarluta isumaliorutta, nammineq qaangiukkumaartoq. Unammilligassat ilungersuuttariaqarpagut, iliuseqartariaqarpugullu.

Tassunga atatillugu oqartariaqarpunga, silaannaap allanngoriartorneranut tunngatillugu iliuseqartoqarnissaa meeqqanit inuusuttunillu ersarissumik pingaartinneqarluni kissaatigineqartoq, tamannalu ersiutaalluarpoq, uagut qinikkatut pisussaaffeqartugut iliuseqarnissamut. Eqqaamassavarput, taakkuummata, ullumi meeraasut inuusuttuusullu, inuiaqatigiinni aqutsinermik ingerlatsinermillu tiguisisussat. Tusaasariaqarpagut iliuseqartariaqarpugullu.

Nunat avannarliit killiit siunnersuuteqarnerminni nunani avannarlerni killerni silaannaap pissusaanut naalakkersuisut kajumissaarpai ukiumut ataasiarlutik naapittassasut silaannaallu pissusaanut unammilligassat oqaluuseralugit, ilisimasanik paarlaasseqatigalugit isumassarsianillu avitseqatigalugit. Demokraatit suliuat taperserpaat neriutugalugulu, ataatsimiinnissanik eqqarsaataasut piviusunngortinneqassasut. Taamatullu isuma, ataatsimiinnerit taakku qarasaasiakkut ingerlanneqartarnissaat taperserpaat, takutitsilluarnerussammat, CO2-mik aniatitsinnginnissamik CO2-mik annikillisaanissap oqaluuserinerani.

Taamatut oqaaseqarluta siunnersuut akuerineqartussanut innersuusutigarpuput.